

A la velha de la Segonda Guèrra mondiala, se son interditas dins l'ensenhament primari, las lengas regionalas fan l'objècte de corses dins l'ensenhament superior, mas sens beneficiar d'un auditòri bèl.

Página de titol de :  
Il était une fois un maréchal de France, per Paluel-Marmont, [1941]  
(A. D. Aude, 102 W 4)



## L'Estat francés (1940-1944)

Per complir la revolucion nacionala, lo govèrn de Vichèi promòu las culturas regionalas e reabilita las lengas dialectals, amb lo sostén del moviment felibrenc e de la Societat d'estudis occitans (fondada en 1930). Per arrestat ministerial, Jiròni Carcopino autoriza lo 25 de decembre de 1941 los regents a organizar, en defòra de las horas de classa, unes corses facultatius de lenga dialectala. Las resultas son inegalas mas, alara que dins plan de departaments, lo nombre de mestres qu'asseguran un tal ensenhament despassa gaire lo desenat, dins Aude, se ne compta un seissantenat en 1942.

## Lo retorn de las revindicacions linguísticas



Dessenh de Jorn, publicat dins Terra d'Oc. Echo viticole et occitan, decembre de 1978  
(A. D. Aude, 7 JJ 1/40)

A la Liberacion, las mesuras presas per l'Estat francés son abolidas. Mas la question de las lengas regionalas es tornarmai pausada tre 1947-1948 per unes deputats de Bretanya e de Pirenèus-Orientals. Maurici Deixonne (1904-1987), deputat socialista de Tarn, reportaire de maitas proposicions, fa adoptar lo 11 de genièr de 1951 la primièra lei republicana en favor de l'ensenhament de las lengas e dels dialèctes locals : los enseñaires son autoritzats « a recórrer als parlars locals dins las escòlas primàries e mairalas a cada còp que ne poiràn tirar profit per lor ensenhament e, en particulièr, per l'estudi de la lenga francesa » ; « tot institutor que ne farà la demanda » poirà « consacrar cada setmana una ora d'activitats dirigidas a l'ensenhament de nocions elementàries de lectura e d'escritura del parlar ».

*local e a l'estudi de tròces causits de la literatura correspondenta*. Aquel ensenhament es « facultatiu pels escolans ». Los candidats al bachelierat poiràn presentar una espròva de lenga regionala (breton, basc, catalan, occitan e, a comptar de 1974, lo cors), que serà presa en compte per l'obtencion de mencions.

Apuèi, entre 1976 e 1995, divèrses amainatjamens son aportats per via reglamentària : inscripcion dins los programas del collègi, promoción de las lengas regionalas coma lengas viva, mesa en plaça de CAPES bivalents, institucion d'un ensenhament bilingüe dins lo primari.

De mai, l'Institut d'Estudis Occitans promòu la creacion de « Calandretas ont l'esvelh del mainatge a la vida se fa en occitan ». Aquelas escòlas a res-non-còsta, laïcas e associativas, nascudas d'experiències localas en 1979-1980, practican lo bilingüisme per immersion. Lo terme de calandreta designa en occitan a l'encòp una lauseta e un jove aprendís. En 2016, la Confederacion occitana de las escòlas associativas laïcas Calandreta compta 65 escòlas e 3 collègis espandits sus 18 departaments amb 3614 enfants escolaritzats.

Quauquas chifras  
Nombre de candidats  
a l'espròva d'occitan  
al bachelierat

(d'après un document de l'Institut d'Estudis Occitans, 1979, A. D. Aude, 71 J 50).

Datas	1972	1973	1976	1978
Acadèmia de Montpelhièr	1337	1479	1745	2155
Aude	468	553	440	561
Total França	4666	5382	7520	9500